



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 95. Franciæ Regis edictum pro reformandis Regularibus.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII.
A. C. 1667.

§. XCV.

Franciæ Regis edictum pro reformandis Regularibus.

*Hode Hist.
de Louis
XIV. l. 30.
Mem. Chronol. &
Dogm.*

Interim Franciæ Rex cum validissimo exercitu Mense Majo moverat in Belgium, quod sibi Mariæ Theresiæ Uxoris suæ & Delphini nomine deberi contendebat, eo quod novus Hispaniæ Rex non nisi ex secundis Philippi IV. Hispaniæ Regis nuptiis, Maria Theresia vero ex primis suscepta fuisset. Adspirabat Gallico Marti fortuna; quippe Ludovicus Rex exiguo admodum tempore qua vi qua arte & Hispanorum incuria aut perfidia Tornacum, Duacum, Aldonarum, Cortracum, aliaque non pauca, eaque haud ignobilia oppida in suam redegit potestatem. Hujus tamen bellis curis Parlamentum Parisiense haud adeo distentum erat, quin Religiosorum numerum & proventus imminuere decerneret. Hanc in rem Talonus in Curia præprimis contra Mendicantium Ordines corruptosque eorum mores, ac postea adversus ceteros Regulares & Moniales declamare jubebatur, quo facto velut aptissimum restaurandæ disciplinæ remedium proponebat, Regi esse supplicandum, quatenus tanquam S. Canonum & disciplinæ Protector inter-

interposita sua auctoritate procuraret, Sæc. XVII.
 ut a Mendicantium Ordinum Genera- A. C. 1667.
 libus quantocius Deputati natione Galli
 peterentur, qui plena facultate irrepentes corruptelas tollerent, ac præprimis hisce Religiosis inhiherent, ne Novitios, donec reformatio plene stabilita fuerit, sacro habitu induerent, ac postea suorum numerum imminuerent: Moniales vero deinceps non auderent de *cessibus*, ut vocant, *vitalitiis* vel de dote pacisci earum, quas ad Monasterium, vel solemnem votorum nuncupationem admittunt; cum ejusmodi pacta a pluribus Conciliis tanquam illicita & simoniaca fuissent rejecta: ne vero ejusmodi Asceteria ad inopiam redigantur, simulque eis divitias corradendi ansa præripiatur, proventuum suorum rationem exhibeant, & hisce redditibus correspondens Religiosarum numerus præfigatur. Absoluta hac oratione Parlamentum in eandem Taloni sententiam concordibus studiis convenit, editoque decreto die quarta Aprilis pro impetranda ejusmodi reformatione suppliciter Regem accessit: Igitur Ludovicus Rex ad Parlamenti vota edictum promulgavit, vi cujus utriusque sexus Regularium numerum & bona imminui præcepit, simulque datis ad Papam literis rogavit, quatenus Gene-

Sæc. XVII. Generales quatuor Ordinum Mendicantium Præpositos in Franciam ablegaret, ut hi primævam Instituti disciplinam restituerent. Annuit Regis petito Pontifex, moxque quatuor Deputatos in Gallias decrevit, eisque Apostolicam excommunicandi, interdicendi, Conventus supprimendi vel alius uniendo facultatem concessit. Hi ergo in Franciam delati, amplissimæ hujus potestatis literas Regi exhibent, qui, ut major accederet autoritas, eisdem hanc potestatem exequendi veniam concessit, datis desuper Regiis literis, quas ad acta referri, Parlamento injunctis. Hanc vero reformationem ex sola Pontificis voluntate fieri, Parlamentum iniquo ferebat animo, ut ergo suam quoque auctoritatem interposuisse videretur, regias literas ad acta referre renuit, nisi Apostolicorum Deputatorum facultas limitaretur, simulque et alii adjungerentur a Parlamento nominandi, qui eos in Monasteriorum visitationibus comitarentur; hoc negotium re ipsa Parlamentum jamjam Cathedralis Ecclesiæ Parisiensis Decano, & Patri Boulardo Abbati ad S. Genovesam demandabat. Ast Deputati Apostolice se inferioribus subjici, ac Pontificiam potestatem restringi, indigne ferentes, potius

potius infecta re Romam reverti ma-
luerunt: ne ergo Parlamenti cavillis
res bene cæpta suo frustraretur successu,

Sæc. XVII.
A. C. 1667.

Rex eidem præcepit, ut sine ulla re-
strictione demandatæ facultatis literas
ad acta referret; inde vero factum, ut
quamvis Deputati Apostolici egregie
suo fungerentur officio, ac sine omni
tumultu suas absolvissent visitationes,
in sacras tamen familias Novitios co-
optandi libertas haud diu restricta per-
maneret, eoquod Parlamentum indi-
gnatione ex eo concepta, quod Apo-
stolicæ potestatis literas sine limita-
tione approbare jussum fuisset, suum
edictum urgere negligeret: religiosius
tamen observabatur edictum dotem vel
census Monialibus inhibens; cum au-
tem exin Virginum Monasteria ad ex-
tremam redigerentur paupertatem, &
Parentibus filias suas elocandi copia
adimeretur, aliaque gravia incom-
moda exin emergerent, non modo
Laici sed & Archiepiscopi & Episcopi
iteratas, tamque graves ad Regem de-
ferebant querelas, ut hic anno hujus
sæculi nonagesimo tertio die vigesima
octava Aprilis edictum suum moderari
coactus, sublatis, si quæ hac in re ir-
repressissent corruptelis, ea monasteria de-
signaret, in quibus exigere liceret,
quantum pro sustentanda Filia Deo per

Hist. Eccles. Tom. LXIII.

S vo-

Sæc. XVII. votorum sponsonem dicanda necesse
 A. C. 1667. rium esset.

§. XCVI.

*Quorumdam Theologorum effugia pro
 eludenda formulæ subscriptione.*

*Acta Cleri
 Gall. tom. 3.
 pag. 230.*

Quamvis Perefixus Parisiensis Episcopus subscriptionis mandatum circa questionem facti excogitato fidei humanae & Ecclesiasticæ temperamento moderasset, non deerant tamen, qui variis effugiis hoc quoque præceptum eludere niterentur; cum enim Archiepiscopus Gaudino Sorbonæ Doctori suo Judici Ecclesiastico injunxisset, Diœcesis suæ Clericos ad juratam formulæ subscriptionem adigeret, Nicolaus Thibult Ecclesiæ Collegiatae S. Thomæ Canonicus, & Ludovicus Fournier Regii Parisiensis Sacelli Cellarius die quinta Februarii prælati Judici libellum supplicem porrexerunt exponentes, quod ejus nomine Promotor Episcopalis die vigesima prima Januarii ab illis juratam, puram, & simplicem formulæ subscriptionem exegisset, cum autem juramento confirmari non liceat, nisi sententias certissimas quæ in alium sensum detorqueri nequeunt, petita tamen subscriptio diversos sensus capiat, hinc Judex ex